

DISSERTATIO
Historico Moralis
De
**SOLEMNI LEGIS
PROMULGATIO-
NE SINAICA,**

Quam
Adspirante Summi Numinis Gratia ,
&
indulgentie Ampl. Collegio Philosophico in inclita ad Autam
Academia ,
Sub Moderamine

ISAACI BYSSAKUNDO,

Sacr. L. L. Profess. Ord.
Placide Litteratorum Disquisitioni
submittit

JACOBUS HEINRICIUS ,
WIBURGENSIS.

Ad diem 11. Decemb. a. MDCCXXXIV.
Horis Locoqve consuetis.

ABOÆ, Excid. Joh. Kiämpe Reg. Acad. Typ.

Sectio Paraclauistica,


- §. I. Hominis dotes lapsu corruptas probat.
- §. II. Defectum naturalis rariois ostendit.
- §. III. Inde necessitatem promulgationis eruit,

Sectio Historica.

- §. I. De legislatore agit,
- §. II. De tempore,
- §. III. De liceo.
- §. IV. De ministerio Mosis.
- §. V. De promulgatione vocali.
- §. VI. De promulgatione litterali.
- §. VII. De distinctione praeceptorum decalegi.

Sectio Moralis.

- §. I. De convenientia decalogi & legis naturalis,
- §. II. De discrimine eorundem.
- §. III. An decalogus sit compendium legum naturalium, disquirit.



I. N. 7.

SECTIO PARASCEVASTICA
De Necessitate promulgationis.

§. I.

Cum DEus sit ens sapientissimum, cuius est proprietas, nihil agere frustra, necesse est, ut in omnibus suis actionibus respiciat ad finem quendam ultimum, qui nequit esse aliud, quam manifestatio ipsius perfectionum, & gloria nominis ejus, quae ex illa tanquam ex suo principio resultat. Hinc non satis erat ipsi ad finem hunc obtainendum, res condere vita ac ratione carentes, nisi etiam entia produceret rationalia, inter ea homines, qui ex contemplatione rerum conditrum in laudes atque gloriam Creatoris sui excitari possent. Ut vero fini huic consequendo idoneum instrumentum esset homo, summus rerum opifex in prima statim creatione legem ipsi prescrivit, ad quam

A

quam

quam in omnibus suis actionibus attendere deberet: sufficienes quoque ipsi concessit vires, ut normam sibi datam non tantum perfecte cognosceret, verum & ad eandem mores suos conformaret. Verum enim vero haec felicitas hominis non diu duravit, mutata ipsius conditione per lapsum. Ex hoc enim, tanquam ex impuro quodam fonte, praeter alia incommoda, haec quoque pro manavit intellectus nostri imbecillitas, ut non tantum plurima alia, verum etiam multa, quae nostri sunt officii, partim ignoramus, partim non rite cognoscamus. Unde non potuit non resultare summa quoque voluntatis nostrae imperfectio, cum haec facultas plurimum in suis operationibus pendeat ex conditione intellectus.

§. II.

HAUD equidem diffiteor, homini adhuc istam ingenii perspicaciam superesse, ut si nullum ad sit impedimentum, & debita accedat institutio, praecpta legis divinae, saltem in quantum ad colendam socialitatem est necessarium, ex sola consideratione naturae suae eruere, discrimenque honesti atque turpis quodammodo intelligere queat: notitia tamen haec, quae ex lumine naturae hauritur, ad voluntatem divinam perfecte cognoscendam haud sufficit. Defectum illius probamus hoc quod eadem non extendat se ad capita juris divini positivi, de quibus ratio humana, seposita auctoritate sacrarum litterarum

rum, nihil quidquam novit. Illo Quamvis lex divina,
 in quantum sobrio rationis usu cognosci potest, non
 tantum occupetur in actionibus hominum externis;
 verum etiam suo modo in internis ad placitum sum-
 mi Numinis componendis; tamen quisquis perpen-
 dit vires rationalis humanae, deprehendet easdem, ut
 in plurimis aliis veritatibus cognoscendis, licet ad
 forum ipsius spectent; ita quoque in determinanda
 moralitate actionum internarum, nisi a revelatione
 adjuventur, saepe aut plane deficere, aut taliter
 non longe posse progredi. Qvod suo exemplo com-
 probant Philosophorum gentilium plerique, qui de
 externa morum honestate plurimum solliciti, inter-
 nam animi emendationem, qvod caput rei est, fere
 neglexerunt. Ut nihil dicam de plurimis aliis natus,
 quibus philosophia illorum moralis erat adpersa.
 Hinc factum est, ut morum doctrinam ad istum per-
 fectionis gradum evehere non valuerint, atque a
 philosophis recentioris aevi praestitum esse videmus;
 quippe qui ex revelatione occasionem adepti plurima
 ratione sua indagandi, in quae haud facile in statu gen-
 tilissimi incidissent. Hanc quoque prerogativam philoso-
 phis christianis praegentilibus largiuntur fontes re-
 velati in cognoscendis legibus divinis, qvod non
 tantum ipsos de veritate cognitionis suae philosophicæ
 certiores reddant, & extra omnem dubitationis a-
 leam constituant; verum etiam intellectum eorum
 dirigant, ne in errores incidat perniciosos. Quis

enim, quæso, legis sententiam melius explicare, ejusque primam intentionem indicare potest, quam auctor illius atque legislator?

§. III.

EX hisce igitur cum appareat, non sufficere ad vitam recte instituendam ea, quæ ex solo lumine rationis nobis innotescunt; constet quoque plurimam affundere lucem juri naturali plenus certiusque cognoscendo, sacras litteras: hinc simul necessitatem legum a Deo revelatarum evictam a nobis esse speramus. Licet vero homines propter hanc suam ignorantiam, sua ipsorum culpa contractam, nullum habuissent jus postulandi, ut sanctissimum illud Numen denuo leges suas, per naturam sufficienter ipsis promulgatas, repeteret: visum tamen est bonitati ac sapientiæ ejus, adhibere quoque promulgationem verbalem, huicque legem scriptam adjicare, ne præcepta sua ab hominibus facile ignorari possent. Hæc autem repetita promulgatio legum naturalium facta est in primis magna cum solemnitate genti Iraëliticæ per decalogum, in monte Sinai datum, in quo tanquam in compendio leges divinæ universales continentur. Cum vero publicum aliquid specimen studiorum mihi deponendum esse intelligerem; hoc de *Lege Sinaica*, i.e. e. illustri decalogi promulgatione, arrisit argumentum, in quo explicando, si multa, quæ ad rei dilucidationem facere possent, esse prætermissa, & quæ traduntur, non ea

qua

qua decet *ægyptia* enucleata, Tibi, candide lector,
videbuntur, adscribas illud ingenii mei tenuitati,
temporisque angustiis, qvibus labor hic noster fuit
circumscriptus: hocqve qvicqvid est conatinis, pro
Tuo candore æqui boniqve consulas.

SECTIO HISTORICA.

§. I.

NObis de illustri hæc & in omne ævum memoratu
digna promulgatione legis Sinaica disquisitetur,
anteqvam ad cetera progredimur, in antecessum
considerandus est ipse *legislator*, qui fuit Jehova,
Deus Israëlis, ut ex tota actus hujus historia, a Mo-
se fideliter consignata, unicuique vel leviter adver-
tenti constare potest. Enimvero qvin Deus habue-
rit jus tum Israëlitis, tum ceteris hominibus leges
has præscribendi, nemo negaverit, nisi forte qui
imperium illius in homines admittere detrectaverit.
Hæc autem veritas in dubium vocari ab illo nequit,
qui vel ex dictamine sanæ rationis, vel ex testimo-
nio sacrarum litterarum, notum habet atqve per-
spectum, entia omnia pendere ex Deo non tantum
qvoad existentiam, verum & qvoad ejusdem con-
tinuationem, adeo ut sine virtutis divinæ influxu,
per qvem omnia in esse suo conservantur, subsistere
omnino nequeant. Accedebant insuper a parte Is-
raëitarum, ad qvos in primis hæc promulgatio fuit
directa, peculiares qvædam causæ, propter qvas se
præ-

præcipue ad obseqvium hisce legibus præstandum
obstrictos esse cognoscere poterant, utpote singula-
ria illa beneficia, qvibus ipsi eorumqve majores præ-
aliis gentibus a Supremo Numinе erant affecti. Qva-
re & Deus ad hoc jus suum respiciens, hac formula
legislationem suam orditum: אָבָנִי וּמַחְרֵךְ אֶלְךָ Ego
sum יְהוָה Deus tuus. Quid ad illorum attinet
sententiam, qvi Filiū Dei ipeciatim heic legislato-
ris manere functum esse contendunt, illa fundamen-
to suo non destitui videtur. Id enim innuit Paulus
ad Heb. 12. v. 25 & 26 facta inter utriusqve fœde-
ris mediatores comparatione. Hoc quoque constat
ex Stephani protomartyris oratione, Act. 7. v. 38.
ubi Angelum cum Mose & patribus in monte Sinai
loquutum esse asserit. Quid minime quadrat in an-
gelum quendam creatum, sed in increatum illum, qvi
Mosen ex rubro compellavit. Exod. 3. v. 2. & qvi po-
pulo ductor per solitudinem datus, in cuius medio
erat nomen Jehova, Ex. 23. v. 20, 21.

§. II.

Ordinis ratio jam postulat, ut paucis tum de tem-
pore, tum de loco promulgationis hujus aga-
mus. Quid ad prius attinet momentum, eodem an-
no hoc accidisse, quo egressi sunt Israelitæ ab Ægy-
pto, aliquot diebus postquam ad Sinai pervenissent,
constat ex Exodi cap. 19. Quantum autem præcise
intercesserit temporis spatium inter egressum illum
mira-

miraculosum, atque legislationem hanc, ex ipsa Mo-
saicæ historiæ designatione patescit. Namque dies
festus נַחַן, quo & memoria hujus ἡμέρας reno-
vabatur, celebrandus erat quinquagesimo die, a se-
cunda azymorum seu paschatis feria numerando,
Lev. 23. v. 15, 16, unde & post πεντηκοντή diētus, in-
ciditque in sextum, seu ut alii malunt quintum di-
em mensis Siuan. Majus intervallum determinat
Paulus Gal. 3. v. 17. quadringentorum & triginta
annorum spatio, a promissione Abrahamo facta. Ab
eodem initio procul dubio repetendus est idem an-
norum numerus Exod. 12. v. 40. quoniam mansio-
nis Ægyptiacæ nomine definitus. Verum enim
vero quo anno ab origine mundi promulgatio hæc
facta sit, non una est chronologorum sententia,
quum celebriorum hypothesis una eandem cum
anno mundi 2513, altera vero cum 2453 compo-
nat, prout de anno nati Abrahami diversam fovent
opinionem. Univerlum illud tempus ante legem la-
tam, Hebræorum magistri, ex traditione domus Eliæ in Massech. Sanhedr. c. XI. §. 29. appellant
נְהַרְתָּא inanitatem, eique rotunde bis mille annos as-
signant, ut legi etiam bis mille, Messiæ itidem bis
mille, quibus mundi ætatem definitam volunt.

§. III.

Locus promulgatae legis erat mons *Sinai*, situs
in ea Arabiæ parte, quæ a Geographis deserta
appell-

appellatur. Hæc enim regio propter soli conditio-
nem est sterilis frugumque impatiens, cuius vel hoc
est argumentum, quod hodieque, si Arabas vagabundos
gentem rapto vivere adsvetam, excipias,
cultoribus fere destituatur, cum finitimæ regiones
propter fertilitatem incolis abundant. Verum quum
illustris hæc legislatio in monte *Horeb* facta sæpenu-
numero narretur, ut Deut. 4. v. 15. c. 5. v. 2. c. 9.
v. 8. 9. &c. qui & inde *mons Dei* dicitur Exod. 3. v.
1. 1. Reg. 19. v. 8. solliciti fuere eruditi de concili-
atione eorum. Schotanus Biblio. Hist. sacr. t. 2. p.
6. *Ego sic, inquit, existim, montem a deserto cognomi-
nari montem Sinai, propriam autem ejus appellationem esse
Horeb.* Ceterum vel ex constructione Mosaica con-
stat, Sinai nomen esse montis, non solitudinis, quippe
quæ non absolute, sed in regimine huic nomini
jungitur. Dubitare tamen subit, sintne *Horeb* &
Sinai ejusdem loci nomina, quum Israelitæ, ante-
quam solitudinem Sinai ingrederentur, jam in Re-
phidim haud procul a monte *Horeb* castra habe-
rent, Exod. 17 v. 1. 6. Difficultatem potiores tolli
putant, si duo fuisse ejusdem montis cacumina sta-
tuantur, quæ modo promiscue de toto monte, mo-
do specifico nomine adhibeantur. Neque obstat
locus allegatus, quum a Rephidim, ubi non admo-
dum propinquaque *Horebo* castra fuisse videntur, pro-
ximis statim castris monti *Sinai* admoveretur po-
pulus, ubi nihilominus ad *Horeb* confedisse dicitur
Exod.

9

Exod. 33. v. 6. siquidem latitudo castrorum etiam
et extendi potuit, Certe etiamnum illic viatoribus
monstrantur duo sive vicini sive contigui montes,
quorum unus editior est, alter depressior, Hic *Horeb*, ob
siccitatem ac vastitatem, a rad. חַרְבָּה, dictus.
Ille & m^{ons} Mosis, & Sinai, & הַרְבָּה rubo, quum senticeto
sit obsitus. Postumianus quidem apud Sulpicium,
summum cacumen montis Sinai coelo pene contigu-
um, nequaquam adiri posse, refert. Quod tamen,
quanquam insigni emineat altitudine, & Moies adiit,
& adhuc saepe aditur; nam & facella in vertice sunt
monachorum usuierata, quo ut facilior sit adiensus,
gradus ab imo ad fastigium structi 14000 numeran-
tur. Reliqua, quæ sive curiositas hominum, sive
credulitas, videtur sibi illic reperisse, ut specum E-
liæ, lacunam montis, dorsi brachiorumque vestigi-
is signatam, ubi Moses gloriam Domini contempla-
turus jacuerit, petram ad Horeb, quæ percussa a
qvam effuderit &c. in tanta vetustate magis divinan-
tur, qvam demonstrantur.

§. IV.

PAUCA hic in antecessum de actione Mosis ministe-
riali attigisse non inconveniens videtur. Qvæ e-
nim in hac legislatione ejus partes fuerint, id diluci-
de indicat apostolus Paulus Gal. 3. v. 19. cum eum
μεσίνη, i. e. mediatorem sive internuncium appellat.
Hoc per qvam celebri titulo non honoris gratia,

sed ex rei veritate eum insignitum fuisse, docet historia sacra, quippe qui ultro citroque commeans, mandata divina ad populum, hujusque vicissim responsa ad Deum perferebat. Qvod in universum quidem de Lege Moysica, nec non de actibus hujus promulgationis preparatoriis, ut & subsequentibus eam, dubio caret. Verum de eo disqviritur, fueritne Moses Deo solemniter decalogum proclamanti in monte praesens, an eo tempore cum cetera turba eodem loco constiterit. Qui illud tuentur, provocant ad mandatum divinum Exod. 19. v. 24, quo jubetur ipse cum Aharone ascendere. Qvod quin factum sit, non esse dubitandum, licet nusquam relatum legatur: idque eo videri manifestius, quod Moses ipse, historiam promulgationis decalogi repetitur Deut. 5. v. 5. dicat se eo tempore inter Deum populumque stetisse. Nobis autem simplicius videtur tutiusque statuere, Moysen tunc non fuisse Deo presentem in monte, quia continua rerum series ab ipso contexta Ex. 19. & 20. non aliud patitur, quam simulac Moses jussu divino descendisset ad populum, & mandata exposuisset, Deum precepta decem eloqui cœpisse. Alioquin si interea regressus esset in montem, non utique id reticuisset, cum alia momenta singula accurate consignarit. Et quod magis est, promulgato decalogo, Moysus statim a populo consternato & aufugiente rogatur, ut internuncius fieret: oportet igitur praesto tunc fuisse.

fuisse. Qvod vero ad stationem ejus Deut. 5. indicatam attinet, ipse mox perspicue exponit de eo tempore, qvum populi jam perterrefacti rogatu esset compulsus mandata porro a Deo excipere, & sibi renunciare. Neqve verba Exod. 19. v. 19. *Moses loquuntur est, & Deus respondit ei* ⁱⁿ *clarâ voce*, ultra mandata illa præparatoria extendi possunt. Et nisi mandatum illud de ascensu commode putetur respicere ea, qvæ decalogum sunt sequuta, non inviti admittimus, Mosen cum Aharone intra cancellos aliquatenus in clivum subiisse ad audiendum decalogum, non tamen longius, qvam ut a populo conspici & compelliari posset. Idqve sapienti Dei consilio factum, ne qva fraudis suspicio præberetur populo illi suspicaci ac refractorio: immo ut calumniandi argumentum omnibus aliis præcideretur, qvales non tantum protani gentium scriptores erant, qvi Mosen & magiæ insimularunt & imposturæ, qvæ si more reliqvorum nomothetarum, ad auctoritatem legibus suis conciliandam, secreta cum Deo aliquo commercia callide fixerit: verum & alii deinceps irrisores, velut qvisqvis est qvi nefandum illud de tribus impostoribus convicium procudit, & *Tolandus*, aliiqve ejus farinæ, qvi Mosis fidem impio conatu labefactare non erubuerunt. Postea autem insignis hic minister Dei interpretem vere egit, præter alias leges, in ipso decalogo tum statim ab ore Numinis repetendo, litterisqve mandando, & fœde-

rali actione confirmando, Exod. 24. v. 3, 4. tum deinceps eodem tabulis descripto divinitus excipiendo. Qvod vero nonnulli Molenternis mansionibus Exod. 24. v. 18. Deut. 9. v. 18. Exod. 34. v. 28. in monte quadraginta dies noctesque cum Deo commoratum esse colligunt, nobis non adeo liquidum videtur, quum illa, quae in Deuteronomio narratur, eadem possit esse atque in Exodo altera, quae continuatio erat intercessionis, maxime qvod Deuteronomion res gestas non ubique secundum historiam seriem, sed ut commodum est visum, mandatis legibus inspergit.

§. V.

Quod ad ipsum actum Legislationis attinet, illum splendidissimum & plane illustrem fuisse, ex singulis ejus momentis, quae recenset divinus scriptor, facile colligitur. Enimvero cum plerique homines ita sint comparati, ut externis in sensus incurribus plurimum; contra parum sanis rationibus se flecti atque permoveri patientur: hinc summum Numen indoli humanae convenienter cum Hebrais agens, magna pompa leges suas sancire voluit, ut magnifico hoc apparatu ad earundem observantiam animi illorum excitarentur atque impellerentur. Prus vero quam lex promulgaretur, sanctificatio bidui populo imperata fuit, qua se ad audiendam illam preparare necessarium habuit, confitebatque ea extrin-

trinsecus in ablutione corporis atq; vestimentorum,
 nec non abstinentia a conjugum thalamo. Mons
 autem Sinai non tantum canticellis erat circumsepi-
 endus, ut ab accessu hominum animaliumq; tutus
 esset; sed insuper ad reverentiam animis imprimen-
 dam, sub mortis pœna denunciatum fuit, ne quis
 curiositate ductus præstitutos limites transfilire aude-
 ret. Biduo præterlapso, cum dies promulgationis
 illuxisset, in vertice montis nubes densissimæ, tumi
 flammæq; יְהוָה בְּאַתְּ Deut. 4. v. 11. ad um-
 bilicum seu medium cæli emicantes, totitrua horren-
 da, fulgura, terræ motus, clangores tubarum, ce-
 teraque tum oculos, tum aures adstantium ferien-
 tia, ingenti cunctos perculere terrore, ipsumq; e
 adeo Mosen, Ebr. 12. v. 21. Cur itaq; populus ad
 radices montis esset congregatus, iterumq; de li-
 mitibus observandis a Deo per Mosen admonitus,
 prælecta sunt eidem, per vocem a vertice montis
 medioq; igne delatam, decem illa præcepta Exod.
 19. v. 2 -- 17. Deut. 5. v. 6 -- 18. qvæ decalogum
 appellamus: illudq; a Deo ipso præstitutum esse, ut
 credamus, par est, cum sacer codex passim expres-
 se hoc afferat, Exod. 20. v. 1, Deut. 4. v. 12. c. 5.
 v. 4. &c. Pronunciationem hanc factam esse voce
 canora distinctaq; adeo ut non sonus tantum, sed
 & verba sensusq; a populo percipi possent, & finis
 promulgationis, & testimonia divina luculenter con-
 firmant, Deut. 4. v. 13, 36, c. 5. v. 19, 23. Ineptias
 Judæ.

Judæorum de variatione soni, & similibus, nihil moramur. Nonnulli vero angelorum ministerium hac in re intercessisse antamant, qvorum opera sonus ille verborum, qvibus concepta fuit Lex, in aere formatus fuerit. Quidam hoc nituntur argumento, qvod Deus proprie voce non utatur, cum illud sit imperfectionis; vocem tamen Dei eo saken respectu dici, qvod ad mentem ipsius exprimendam fuerit prolata. Verum ingenue fateor me conceperre non posse, cur Deo vox articulata, cuius facultatem ipse inter præstantissimas dotes homini concessit, magis sit indigna, quam alii patefactionis modi, quibus se ad intellectum humanum accommodat. Majus habet pondus effatum apostoli Ebr. 2. v. 2 ὁ διὰ γῆς λαλητεῖς λόγος. Ceterum cum clarissima sint illa testimonia, inter ea ipsius apostoli Ebr. 12. v. 26. qvæ hanc actionem Deo ipsi vindicant, non poterit locus objectus de promulgatione decalogi, sed de aliis potius mandatis, per angelos Dei ministros editis, agere. Non tamen difitemur angelos huic actui interfuisse, licet non tangam præcones legis, attamen ut ministratores & satellites, qvi majestatem supremi Legislatoris tubarum clangore illustrarent. Ita Deus dicitur *myriadibus sinistrorum stipatus* advenisse ad ferendam legem, Deut. 33. v. 2. conf. Psal. 68. v. 18. Stephanus similiter Act. 7. v. 53. legem datam tuisse assertit *εἰς diaλύσας*, i. e. *inter cibortes angelorum* quasi in aciem

15

ciem dispositas. Qvorum & Paulus Gal. 3. v. 19.
tendere videtur.

S. VI.

Verum enimvero ne notitia harum legum successu temporis in animis hominum obliteraretur, sed ut earundem memoria ad omnem posteritatem transiret; non tantum voce, sed etiam scripto illas promulgare voluit summum Numen, ut duplice hac promulgandi ratione eo melius cantum esset, ne quid perennitati earundem obstaret. Idcirco duabus tabulis lapideis inscripsit universum decalogum, quo nomine venire solet complexus ille legum universalium a Deo revelatarum, idque ex auctoritate scripturæ, in qua decem ista præcepta *decem verba* appellantur, Exod. 34. v. 28. Deut. 4. v. 13. &c. Scripturam illam, quæ tabulis hisce continebatur, ipsius Dei *αὐτίγειαφόρ* fuisse, dubitari nequit. De prioribus tabulis hoc evidenter constat, quippe quæ non modo ipsæ Dei opus, sed & conscriptæ digito Dei, scripturaqve ista scriptura Dei dicitur Exod. 31. v. 18. cap. 32. v. 16. Deut. 9. v. 10. Verum de posterioribus, quæ a Mose, postquam priores illas præ indignatione confregisset, iussu Dei erant confectæ, nonnulli aliter sentiunt, inducti verbis Exod. 34. v. 27. ubi Moses leges a Deo latus libro inscribere jubetur. Hoc tamen dictum non ad decalogum, sed ad leges illic antecedentes, ceterasqve particulares, tantum spe-
Etare,

ctare , exinde colligimus , qvod decalogi deinceps separatim mentio injicitur verbu sequenti 28. Licit vero loco hoc proximo iubjectum , a quo exaratae sint haec tabulae , expressis non ponatur verbis : quia tamen Deus sit intelligendus , non tantum ab initio capituli ejusdem concluditur , ubi Deus ipse promittit se esse tabulis hisce inscripturum verba , quae erant in prioribus ; sed & perpicuo conficitur testimonio Deut. 10. v. 2, 4, ubi idem actu a Deo praestitum narratur . Ut autem Deum auctorem scripturae istius fuisse nobis constat : ita quales illae tabulae fuerint , quomodo consignatae , quotque praeceptorum utraqve capax , deficientibus monumentis , determinare non audemus . Unicus duntaxat scripturae locus est Exod. 32. v. 15. qui tabulas hasce refert litteris exaratas ה, ו, ז, כ, ב, י, ה, ו, ז a duobus literibus suis hinc atque illinc ; de cujus sententia interpres in diversa abeunt . Quidam hunc sensum ejus esse putant , qvod singulis tabulis ab utroque latere leges fuerint incisa , quo cautum sit , ne quid iisdem addi demique posset . Alii vero hoc ita interpretantur , ut easdem instar pagellarum in libro inter se fuisse connexas , hincque a binis tantum partibus semper respicientibus conscriptas fuisse , contendant . Licit vero prior sententia majori specie se commendare videatur , non tamen ultra probabilitatem assurgit . Nec minus incertum est , quot praecepta singulis tabulis fuerint inscripta . Quam enim hodie tenemus

nemus decalogi in duas tabulas partitionem, quārum prior officia hominis erga Deum, posterior erga alios complectitur, ex re ipsa potius, quam Moysica illa inscriptione, desumpta est, ut verba Cel. Buddei mea faciam. Neque Fl. Josephi fides magni est, qui asserit Rer. Jud, lib. 3. cap. 6. quāvis tabulam quinam complexam fuisse praecepta, & singulas pagellas bina cum dimidio. Linguam litterarumque characteres, quibus Moses in Pentateucho, Hebreisque alias utebantur, hic adhibitos fuisse, ut legi intelligique scriptura posset, res ipsa suadet. Ceteras de hac re opiniones, quae maximam partem eunas debent Judaeorum magistris, cum omni destinuantur fundamento, heic consulto recensere supercedeo,

S. VII.

MAjoris momenti quæstio esse videtur, quomodo præcepta decalogi respectu objecti, in quo occupantur, sint distinguenda, cum alii ad primam, ut dici solet, tabulam quatuor, & sex ad secundam; alii ad illam tria, ad hauc septem putent esse referenda. A divisione enim in ecclesiis nostris usitata discedunt, & priorem illam, quam indicavimus, amplectuntur reformatæ, ut vocari malunt, ecclesiæ, nimirum divellentes ea, quæ ad primum præceptum pertinent, & contra nonum, quod nos facimus, atque decimum conjungentes. Huic tamen

nostram præferendam esse distinctionem præceptorum, variis argumentis nostrates demonstrarunt. Uno Ex identitate objecti quod præceptum primum, & quod reformati statuunt, secundum. Hæc enim non esse diversa, sed uno tantum alterius contineri explicationem, esinde colligimus, quod utrumque in prohibenda ἐιδωλολατεῖα versatur, nisi quod posterius, quo cultus imaginum interdictum, magis videatur esse particulare, cum generale illud interdictum de non colendis diis alienis ad casum applicat speciem. Imagines enim cultus religiosi caussa propositione, certam constituant speciem deorum alienorum: hinc merito illas sub generali hac notione comprehendendi putamus. Illo Ex diversitate rei in præcepto nono atque decimo. Etenim illa non de simplici, verum duplici agunt concupiscentia, actuali nimisrum atque originali sive habituali, quæ concupiscentiæ species, non objectis, sed modo concupiscentiæ inter se distinguuntur. Hoc non tantum ex repetitione verbis Exod. 20. v. 17. evincitur, quod heic sine ratione germinatum esse haud putamus; sed & Deut. 5. v. 18. diversis verbis ὁν & πάντα diversæ etiam species, σπλαγχνον & δελειξην apertius inauuntur. Accedit, quod utroque loco præcepta hæc sicut reliqua, antiquo Hebræorum distinctionis signo ɔ, appellato sethūm, non temere discrimina-
ta videamus. Illatio Ex gemina accentuatione decalogica, una verbi respiciente, altera præcepta. Ut e-
nīm

nim melius nobis de distinctione præceptorum constaret, ideo Spiritus Sanctus illa a se invicem discerneret accentibus voluit. Nisi enim hic sit admirandi illius artificii usus, vanum illud erit atque futile; quod nefas dictu. Qvare in præcepto primo atque tertio, cum prolixiora illa sint, quam ut intra ambitum unius versus includi commode possent, singuli quidem versus suis gaudent accentibus specialibus; ad unitatem tamen præcepti demonstrandam, insuper singulis vocibus altera adjecta est accentuatio, quæ præcepti est, inde ab initio eius per plures illos versus non interrupta serie continuata. Qvædam vero præcepta, utpote quintum, sextum, septimum & octavum, cum breviora sint, quam ut versui integro & ad reliquos proportionato sufficiant; hinc univerla unico tantum includuntur, ita tamen, ut ad diversitatem horum præceptorum indicandam, singula peculiarem nacta sint accentuationem, altera insuper communis, quæ versum dimetitur, accedente. In præcepto autem secundo atque quarto simplex modo adhibetur accentuatio, quippe quæ quantitatem habent versui proportionatam, & hinc gemina illa indigere non sunt visa. Ceterum nonum præceptum decimumque, ob proportionem amborum versui accommodatam, unico sunt comprehensa, speciali tamen præceptorum accentuatione earent, quia illa distinctione ulterius non erat opus, quum octo præcedentium numerus satis accurate

jam sit definitus, & decem tamen esse debeant: in isto ergo ultimo versu residua duo contineantur necesse est, qvæ & re & verbis discerni, superius ostendimus.

SECTIO MORALIS.

§. I.

Expositis præcipuis promulgationis momentis, superest, ut affectiones quasdam morales attingamus, & ad materiam legislationis hujus considerandam pedem moveamus. Cum vero leges hæ Sinaiticæ nonnullas proprietates cum legibus naturalibus habeant communes, quasdam vero diversas; hinc easdem inter se conferre, e re esse dicimus, ut ex collatione utriusque appareat, quibus potissimum affectionibus inter se convenient, quibus differant. Conveniunt I:mo auctore. Deus enim & leges naturales mentibus hominum, & leges Sinaiticas tabulis lapideis inscripsit, auribusque Israelitarum viva voce insinuavit. II:do Ratione materie, quæ in utraqve lege una eademque est, si præceptum tertium, nec non decimum exceperis. Reliqua enim omnia, quæ in decalogo continentur, ita comparaata sunt, ut naturalem dare queamus rationem, cur illa sint nobis injuncta. III:to *Universalitate obligationis*. Sicut enim lex naturalis omnes in universum obstringit homines, ita eadem est affectio legis Sinaicæ, licet quoad posteriorem dissentiat Hugo Gro-

Grotius, afferendo omnem legem Mosaicam tantum datam fuisse Hebræis, illosque solos obligasse. Nititur vero Grotiana hæc hypothesis eo in primis fundamento, quod lex ipsa loquitur & indicet quibus data fuerit, quum in primordio ejus dicatur: *audi Israël*, Deut. 6. v. 4. Verum distinguere debuit vir incomparabilis inter allocutionem legis, atque ejusdem obligationem: illa quidem dicta fuit ad Hebrewros ut præsentes; hæc autem ad totum genus humanum se extendit. Quod de illis præceptis decalogi, quæ simul rationis dictamine innotescunt, omnino caret dubio, nec ulla eget demonstratione. Cum enim omnes leges naturales universali gaudeant obligatione, utique nec eadem hisce præceptis denegari jure poterit, quippe quæ ab illis quoad substantiam non differunt. Nec minus hoc de tertio atque decimo, licet ad leges natura notas referri nequeant, evinci potest. De priori hoc colligitur ex institutione Sabbathi, quæ statim post creationem contigit, adeoque certissimo est indicio, eodem instituto omnes obstringi homines. Decimi autem præcepti universalitas exinde patet, quod lege divina universali effectus concupiscentiæ originalis, i. e. actiones quælibet pravæ, prohibentur: unde non potest non eorum quoque causa atque origo eadem vetari lege. Idem quoque alia patet ratione. Si enim omnes mortales delicti adamitici participes fuerunt, teste Paulo, conseqenter sua ipsorum culpa imperficio-

fectionem illam, qva hodie laborant, sibi attraxerunt; fieri aliter neqvit, qvin Deus vi iustitiæ suæ eandem ab ipsis exigat perfectionem, qvam in prima ipsis creatione concesserat. Cetera Grotii argumenta, qvæ ad infringendam universalem harum legum obligationem adducit, tanti non sunt ponderis, ut ipsis diluendis immoremur, in primis cum illa a viris eruditis jam dudum sint profligata,

§. II.

Ultterius itaqve, qva ratione leges Sinaicæ a legibus naturalibus differant, dispiciendum est nobis. Qvod in primis fieri centemus I:mo principio cognoscendi, Leges enim naturales ex libro naturæ, leges vero Sinaiticæ ex libro nobis revelato cognoscimus. II:do Tempore promulgationis, qvod utrisque est diversum, cum leges naturales in ipsa creatione, leges vero Sinaicæ longo demum post tempore hominibus sint promulgatae. III:to Gradu cognitionis, & consequenter obligationis, Longe enim perfectiorem obligationem, qvam qvæ natura est nota, decalogus in universum reqvirit, ut ex ejusdem expositione patet, Deut. 6. v. 5. Lev. 19. v. 18. IV:itum momentum, qvod differentiam harum legum constituit, sunt precepta quedam in lege Sinaica comprehensa, qvæ cum ratio non perspiciat, naturalium legum nomine venire non possunt. Qvod speciatim ad tertium attinet præceptum, in eo qvædam oc-

currunt juris **naturalis**, qvædam vero juris **positivi**,
 qvæ accurate inter se discernere haud parum inter-
 est. **Naturalis** juris est, qvod fas sit, aliquod tem-
 pus cultui divino destinare, eoqve a laboribus quo-
 tidianis abstinere. Cum enim naturali sege simus
 obligati ad cognoscendum Deum ipsiusqve perfe-
 ciones, simulqve ad eum colendum; hisce vero a-
 ninus, aliarum rerum curis immersus, debito mo-
 do vacare nequeat, ut observatione quotidiana li-
 qvet: seqvitur, ut huic tam gravi negotio aliquod
 tempus a laboribus ceteris immune sit impendendum.
Præterea idem reqvirit ratio cultus publici, qvi per-
 agi neqvit, nisi homines certo tempore atqve loco
 illius rei gratia convenient. Cultus vero publicus
 ideo necessarius est, ut homines de Deo ejusqve vo-
 luntate instrui, de iis qvæ sui sunt officii admoneri,
 & ad exercitia pietatis aliorum exemplis excitari
 queant. Reliqua vero, qvæ præcepto hoc continen-
 tur, ad jus divinum positivum spectant: e. g. qvod
 ratus dies, isqve septimus cultui divino sit adsignan-
 dus. Qvântum enim præcile temporis huic negotio
 sit tribuendum, ratio haud determinat, nec perspi-
 cere potest, cur reliqvis diebus septimus sit præfe-
 rendus: qvin potius judicat omnes dies esse
 inter se pares. Exempla qvarundam gentium, qvæ
 septimum diem sacrum habuisse memorantur, rem
 non conficiunt, cum probabile sit sive per commer-
 cia cum Hebræis eorumqve majoribus, sive per tra-
 ditio.

ditionem inde a primis parentibus continuatam; hunc morem ad easdem transiisse. Præceptum decimum rationi ignotum esse ipse profitetur Paulus Rom. 7. v. 7. *Concupiscentiam, inquit, non novissim, nisi lex dixisset: non concupisces.* Qvæ verba non intelligenda sunt de concupiscentia actuali, qvam legibus divinis, adversari ipsæ faniores agnoverunt gentes; verum de habituali illa, cuius turpitudinem seposita revelatione mens humana pernoscere neqvit. Licet enim experientiæ fide constet, facultates animæ, intellectum ac voluntatem, summa laborare imperfectione; cum tamen tristissimi hujus effectus origo atqve causa rationi sibi relictæ sit ignota, hinc percipere homo revelatione destitutus neqvit, quo jure malum hoc adhærens sibi imputari queat, cuius culpam se esse haud pervidet. Ut enim id intelligat, supponitur status integri & hunc securi lapsus notitia; qvæ cum sit rerum facti, rationis usū comparari neqvit, verum ex sacratori scriptura uice est haurienda,

§. III.

ANeqvam tractationi huic finem imponimus, A coronidis loco illam expendisse juvabit qvæstiōnem, utrum accurate dici queat, decalogō tanquam in compendio qvodam omnes comprehendi leges naturales. Enimvero qvin decalogo nonnulla contineantur captum rationis superantia, & hinc ad

ad jus naturale minime spectantia, de eo nullum est dubium, & §. super. a nobis jam est demonstratum. Licet vero affirmativa qvæstionis propositæ, propter paucitatem præceptorum, utpote qvæ denarium non excedunt numerum, multis primo intuitu inconveniens videri queat: illam tamen amplectendam esse, inductione omnium officiorum legi naturali nobis injunctorum evinci posset, nisi hæc disquisitio integrum postularet opus. Hoc tamen ea demum conditione promittimus, si nobis sanæ interpretationis regulas, & authenticam decalogi explicationem, quam ipse legislator proponit, in subsidium vocare licuerit. In hunc autem finem notandæ sunt observationes hæc generales, cum ad specialia transire pagellarum non permittat angustia. I:mo. Licet plurimærum Legum naturalium in decalogo aperta non injiciatur mentio; illæ tamen ejus conditionis sunt, ut ex illis, qvæ heic exprimuntur, tanquam ex suis principiis legitima argumentandi serie elici atque derivari queant: sive multa specialia juris nat: præcepta in decalogo brevitatis causa omittuntur; qvæ vero sub generalibus in eodem expressis contineri, sana unicuique dictitat ratio. II:do Etsi in qvibusdam præceptis decalogi delicta tantum graviora, utpote homicidia, furta, adulteria, expresse nominentur; leviores tamen atque subtiliores ejusdem generis actiones esse subintelligendas, qvin & ipsas cogitationes atque appetitus ad pravos e-

jusmodi aetius impellentes, dubitare haud sinit Christus, testis omni exceptione major, Matth. 5. v. 21, seqv. Verum objicere aliquis posset, nulla in decalogo apparere vestigia obligationis erga nosmet iplos, quae tamen insignem jurisprudentiae divinæ partem ambitu suo absolvit. Quare e re nostra este ducimus, hanc objectionem amoliti, ostendendo, in decem hisce præceptis neque hatic materialm intactam plane esse reliquam. Cum autem officia, quae respectu nostri nobis incumbunt, vel respiciant corpus, vel animam; illa vero quae huic præstanta sunt, vel intellectum, vel voluntatem attingant, distincte haec singula nobis sunt persequenda. Voluntatis emendationem urget non tantum præceptum nonum; verum & reliqua omnia, ut ex superioris dictis constat, dum concupiscentiam pravam atque inordinatam vefant. Voluntatis autem propensiones cum emendari nequeant, nisi in antecedentium ipse perficiatur intellectus, patet nos ad hujus quoque culturam iisdem obligari præceptis. Qui cunque enim ad finem obligatur, is quoque simul obligari censendus est ad media illa adhibenda, quae ad finem obtinendum faciunt. Corporis cura nobis commendatur præcepto quinto & sexto. Illud enim vitae conservationem nobis injungit, prohibendo non tantum generafim homicidia, sed & *autoφsiæ*, sive violentas sibimet ipsi inferre manus. Hoc autem sanitati nostræ consulit, utpote quo omnia
fce-

fœdæ libidinis' genera interdicuntur, qvæ quantum
valerudini noceant, tristis multos docuit experien-
tia. Ulterius cum intemperantia in cibo atqve po-
tu libidinum mater atqve genitrix sit, liqvet nos ad
eandem evitandam hoc simul adstringi præcepto,
vi demonstrationis præcedentis,

Hæc de illustri illa decalogi promulgatione dicta
sunt. Ceteras in Sinai latae leges positivas excute-
re, nostri jam non erat instituti,

S. D. G.



D 2

Amico suo Dilecto,
Eruditissimo atque Praestantissimo
Dn. JACOBO HEINRICIO,
Dissertationis Egregiae
De
LEGE SINAITICA
Auctori Dexterimo.

Primum frontem multos decipere, trito circumfertur adagio; qvod qvidem veritatis laude defraudare non sustineo. Ut cuncti vero est, interdum tamen fieri solet, ut ex habitu oris, de affectu animi hominis nobis occurrentis vere admodum conjectemus. Ego, nec vatem, nec sapientem me venditare gestio; hoc nihilominus ingenue fateri possum, me Temet prima occasione oculis oblatum mox talem credidisse, qvalem deinde expertus sum. Veram & non simulatam Summi Numinis reverentiam, utilis scientiæ desiderium, & candidæ virtutis amorem, facies Tua præ se ferre vila mihi est; nec spes fecellit: singulis enim Te instructum ornatumque, evidentissimis eqvidem documentis freqventer mihi post id tempus probasti. Non est qvod plurimis, nedum anxiæ de assertione hac stabilienda laborem; qvia qvod firmo nititur talo, satis ostendit docta & pererudita, qvam edis, Dissertatione. Est enim materia ejus non vana, inanis & profana, sed animo Tuo aptata, feria nempe, solida, & a morum probitate haud abhorrens. De lege scribis, ad legem vitam

vitam dirigis, non metu sed amore, non invitio sed
lubens, O felicem hominem! O egregiae indolis juve-
nem! Utinam multi Tibi essent commilitones, omnes
Tui æquales in hisce; tum utique seculum nostrum
quam maxime ferreum, facile mutaretur in aureum.
Perge quia cœpisti, pedem ne referas quæso: sic certo
certius Te bonis & donis quibusvis optimis ab ipso bo-
norum fonte largiter aliquando superfulū videbis. Qvic-
quid autem in hac rerum serie Tibi evenerit, mu-
tui amoris & benevolentiae, quod nos jungit, vineu-
lum ne dissolvas, oro. Quod mearum fuerit partium,
certabo dum vixero, ne vincar officiis, quæ decent

Amicum Sincerum.

Ode.

TE voiant disputer, de la Loi Sinaique,
Permetts moi, mon Ami, que je parle, & m'expliques
Un chacun peut parler, disputer de la loi,
Mais non si poliment, & doctement que toi;
plus je feuille, revois, relis, & examine,
Ta Dissertation, touchant la Loi Divine
Plus de raison je trouve, a T'en feliciter,
Souhaitant de brillans, Lauriers, sans maretter
A celui qu' Apollon presente la Couronne,
C'est a Toi, cher Ami a qu'il l'ordonne:
Je T'ai dis a la hâte, & sans trop de façons.
Cher Ami, ma pensée, & tes intentions.

JEAN HELSINGIUS,

ÉCOLE NATIONALE SUPÉRIEURE DES BEAUX-ARTS DE PARIS

JULES LORÉEN

*Ad Juvenem eruditionis laude & morum elegantis Conspic-
cunt, Pereximum atque eruditissimum
Dominum JACOBUM HEINRICIUM,
Eruditæ hujus dissertationis Auctorem solertissimum,
Amicum dulcissimum.*

*UT populo Isacidum statuit precepta Moses,
Numinis a digito tabulis inscripta duabur;
Tum quoque ab his quantum jus inviolabile disset
Naturæ, solers Heinrici mente rimaris,
Sic parvum renovas nomen virtutis amore
Artis & ingenuæ, quam totis viribus urges;
Cujus ab assiduo non te revocare labore
Abrepti potuit mors improvisa parentis,
Gaudia concipiunt cognati hinc dulcia cunctæ:
Aonides pariter dant præmia digna laborum,
Et virides lauros præbebit Phœbus Apollo
Quæ tibi pro meritis per secula longa virescent.*

In sinceri animi tesseram
scripsit
Abrah. Poppius Fil.
Wiburg.

*Viro Juveni Litterarum morumque laude conspicuo
Domino JACOBO HEINRICIO,
Cum egregiam suam disputationem in lucem pro-
ferret publicam*

De LEGE SINAITICA.

*D*um Mosis confers leges atque insta nobis
Jura, feret lauros Pieris alma tibi.
Ex animo tanto lætior, qvanto necessitate ju-
cunda conjunctior, qvanqvam tenuiori avenâ
gratulatur
FRIED. FORSEEN.